

2020-mut Illassutissatut aningaasaliissutinut inatsisissatut Siunnersuut
(Aningaasaqarnermut Nunamullu Namminermut Naalakkersuisoq)

Akissuteqaat

(Aningaasaqarnermut Nunamullu Namminermut Naalakkersuisoq)

Aappassaaneerinninneq

Matumuuna Naalakkersuisut Aningaasaqarnermut Akileraartarnermullu Ataatsimiititaliaq
2020-mut Illassutissatut aningaasaliissutinut inatsisissatut siunnersummut
isumaliutissiissutaanut qutsavigissavaat.

Aningaasaqarnermut Akileraartarnermullu Ataatsimiititaliap isumaliutissiissummini
atingaasaliinermi periutsit pingaarutilit arlallit nassuaatigai, Inatsisartullu taamaalillutik
pisortat allaffisorneranni pitsaasumik aningaasaqarnikkut aqtsinissamik pisariaqartitsineq
naqissusermassuk Naalakkersuisut nuannaarutigaat. Naalakkersuisut tamanna tamakkiisumik
taperserpaat.

Taamatullu Naalakkersuisut aningaasaliissutinik nikisitsineranni periutsitigut inatsisitigullu
tunngavissat naammassineqarsimanagerannik Aningaasaqarnermut Akileraartarnermullu
Ataatsimiititaliap naliliinera Naalakkersuisut iluarismaarlugu maluginiarpaat.

Aningaasaqarnermut Akileraartarnermullu Ataatsimiititaliaq isumaliutissiissummini
amerlanngitsunik Naalakkersuisunut inassuteqaateqarpoq. Mittarfeqarfiiit
atingaasaqarnerannut pilersaarusiortoqarnissaa Ataatsimiititaliap ilaatigut inassutigaa.
Naalakkersuisut pineqartumi suliniuteqartoqarnissaanik pisariaqartitsineq isumaqatigaat.
Mittarfeqarfiiit Nunatta Karsianut akiitsui COVID-19 sioqqulluguli annertoreerput. Taassuma
saniatigut Mittarfeqarfiiit sanaartukkanut atortuutinullu iluarsartuussinissamut
kinguaattooqqavoq, taamaattoqarneratalu 2021-mut aningaasanut inatsimmi, siusinnersukkut
atingaasanut inatsisini, kiisalu ilassutitut aningaasaliissutigut, aningaasaliissutinik
annertuunik suliffeqarfimmut aningaasaliisoqarnissaa pisariaqalersippaa.

Taamattaaq inassuteqaatit allat Naalakkersuisut tusaatissatut tiguaat, taakkulu suliap
ingerlateqqinnerani ilaatinneqarlutik.

Naggasiullugu Naalakkersuisut inatsisissatut siunnersummut isumaqatigiittumik tapersiineq
qujassutigiumavaat.

Taamalu oqaaseqarlunga inatsisissatut siunnersuut Inatsisartunut oqaluuserisassangortippa.